

Univerziteti, demokratska kultura i razborit prenos suvereniteta



Usvajanje Zakona o visokoškolskom obrazovanju, o kojem će se u sljedeće dvije sedmice raspravljati u Parlamentu BiH, pomoći će da se osigura da vlasti ne diktiraju ono što se predaje na univerzitetima, te da univerziteti održe prihvatljive standarde akademskog integriteta, rekao je danas viši zamjenik visokog predstavnika, Peter Bas-Backer, studentima Univerziteta Istočno Sarajevo na Palama.

Ambasador Bas-Backer je rekao da će ovaj Zakon početi da rješava ozbiljne nedostatke u oblasti tercijarnog obrazovanja. «U mnogim nastavnim predmetima njihovi sadržaji i programi nisu revidirani ni ažurirani godinama, niti obuhvataju najnovija međunarodna istraživanja,» rekao je ambasador Bas-Backer. «I zbog činjenice da Bosna i Hercegovina još uvijek nije ispoštovala svoje međunarodne obaveze i usvojila Zakon o visokom obrazovanju, univerzitetske diplome iz BiH nisu priznate van granica BiH niti su diplome univerziteta van BiH priznate unutar zemlje. Međutim, zbog činjenice da sadržaji predmeta koji se predaju u Bosni i Hercegovini još uvijek nisu usklađeni sa standardima evropskih univerziteta, studenti iz ove zemlje još uvijek nemaju mogućnost da dio svojih studija završavaju na stranim univerzitetima.»

Usvajanje Zakona o visokoškolskom obrazovanju će omogućiti

Bosni i Hercegovini da se priključi ostalim 45 zemalja koje su donijele zakone kojim se naglašava značaj visokoškolskog obrazovanja za razvoj demokratskih vrijednosti.

Stavljujući Zakon o visokoškolskom obrazovanju, koji je uslov iz Evropskog partnerstva, u širi kontekst procesa evropskih integracija u Bosni i Hercegovini, ambasador Bas-Backer izjavio je da će ovaj Zakon «vesti evropske standarde u Bosnu i Hercegovinu, te Bosnu i Hercegovinu približiti Evropi.»

Ambasador Bas-Backer je izjavio da je primjena evropskih standarda i vrijednosti nastala iz duge tradicije pragmatizma. Države koje su osnovale EU bile su spremne prepustiti elemente suvereniteta jer su prepoznale da će zajedničko upravljanje strateškim resursima razviti ekonomije obima i otežati zemljama da ponovo zarate. «Nije se tu radilo o slavi, časti i nacionalnom ponosu nego o dobrobiti i sigurnosti miliona ljudi. Ove zemlje nisu izvršile prenos suvereniteta bez razmišljanja, učinile su to promišljeno,» rekao je ambasador.

Ambasador Bas-Backer je pomenuo da bi Bosna i Hercegovina mogla slijediti obrazac razvoja Irske, koja ima približan broj stanovnika, veličinu teritorija i tradiciju etničke različitosti. «Obim irske ekonomije se u zadnjih 20 godina skoro učetverostručio. Smanjeni su porezi, nezaposlenost je drastično reducirana a strana ulaganja su zabilježila nevjerovatan porast. Proces priključenja i poslijepristupni prliv razvojnih fondova iz Brisela omogućio je da se uspotave praktični i operativni temelji ekonomije koja je mogla početi da konkurira na globalnom tržištu,» rekao je.

Ambasador Bas-Backer je naglasio da je slijediti uspješan primjer Irske realna perspektiva, ali «samo ako građani svoje lidere budu smatrali odgovornim za strateške odluke koje donose, a to je upravo razlog zbog kojeg mora doći do razvoja, i to geometrijskom progresijom, demokratske kulture univerziteta.»

Tekst govora ambasadora Bas-Backera može se naći na web stranici <https://www.ohr.int/>.